



Broj:04-GV-02-1218/18

Datum: 14.11.2018. godine

ZAPISNIK
O RADU 20. SJEDNICE KOMISIJE ZA SPOMENIKE
GRADSKOG VIJEĆA
održane 14.11.2018. godine

Prisutni:

1. Enes Husejnović, predsjedavajući Komisije
2. Sead Srna, zamjenik Predsjedavajućeg
3. Reuf Hafizović, član
4. Jasmin Smječanin, član
5. Nedim Dizdarević, član
6. Lana Velić, članica
7. Pavle Krstić, član

Sjednici prisustvovala iz Gradske službe za Gradsko vijeće:

- Mirjana Đanović Stanić, šef Odsjeka za stručne poslove

Sjednici prisustvovala Senada Kočan, stručni savjetnik za normativno pravne poslove u Gradskoj službi za opću upravu.

Predsjedavajući je otvorio 20. sjednicu Komisije za spomenike Gradskog vijeća, pozdravio prisutne i utvrdio kvorum za punovažan rad i odlučivanje. Sjednica je započela razmatranjem i jednoglasnim usvajanjem Zapisnika o radu 19. sjednice Komisije za spomenike održane 24.10.2018. godine.

Poslije rasprave i sažetka Predsjedavajućeg, jednoglasno je usvojen sljedeći **dnevni red**:

1. Prijedlog Odluke o izmjenama i dopunama Odluke o spomenicima od značaja za Grad Sarajevo
2. Javna rasprava o Nacrtu Programa rada Gradskog vijeća Grada Sarajeva za 2019. godinu
3. Tekuća pitanja

TAČKA 1.

Prijedlog Odluke o izmjenama i dopunama Odluke o spomenicima od značaja za Grad Sarajevo

Poslije rasprave i sažetka Predsjedavajućeg, jednoglasno je usvojen sljedeći **zaključak**:

Komisija za spomenike konstatira da je uz poziv za sjednicu tehničkom greškom dostavljen pogrešan materijal, te predlaže razmatranje ove teme za sljedeću sjednicu koja se planira održati u ponedjeljak 19.11. 2018. godine s početkom u 15:00 sati, a po osnovi odgovarajućeg materijala.



TAČKA 2.

Javna rasprava o Nacrtu Programa rada Gradskog vijeća Grada Sarajeva za 2019. godinu

Poslije rasprave i sažetka Predsjedavajućeg, jednoglasno su usvojeni sljedeći **zaključci**:

1. Komisija za spomenike je razmatrala Nacrt Programa rada Gradskog vijeća Grada Sarajeva za 2019. godinu, te konstatira da su određene teme, na prijedlog ovog radnog tijela, uvrštene u Nacrt Programa rada Gradskog vijeća Grada Sarajeva za 2019. godinu.
2. Komisija za spomenike konstatira da članovi Komisije nisu dobili informaciju o toku realizacije zaključka Gradskog vijeća, navedenog u Nacrtu Programa rada Gradskog vijeća Grada Sarajeva za 2019. godinu, u uvodnom dijelu za oblast „Druga pitanja od interesa za građane“.

Ukoliko Gradonačelnik ne razradi navedeni zaključak do predlaganja Programa rada Gradskog vijeća Grada Sarajeva za 2019. godinu, Komisija za spomenike predlaže da se, u Program rad Gradskog vijeća Grada Sarajeva za 2019. godinu, uvrsti:

Program podizanja spomenika Grada Sarajeva u 2019. godini, na prijedlog Gradonačelnika, tako da se nacrt programa razmatra u februaru mjesecu, a prijedlog u maju mjesecu, a da program sadrži odgovarajuće akte kojima bi Gradsko vijeće odlučilo o tome da Grad Sarajevo kao nosilac realizacije projekta podizanja spomenika, određenom dinamikom i podigne spomenike, čije podizanje je Gradsko vijeće i iniciralo, a među kojima su i spomenik Kralju Tvrtku Kotromaniću, Isa beg Ishakoviću, ubijenim građanima Sarajeva '92-'95 i Spomen obilježja ženi Sarajeva, Grahamu Bamfordu, te Esadu Arnautaliću, Kemal Montenu i Dariju Džamonji, a što podrazumijeva planiranje sredstava za njihovu realizaciju.

TAČKA 3.

Tekuća pitanja

Pod ovom tačkom dnevnog reda nije bilo zaključaka.

ZAPISNIČAR

Mirjana Đanović Stanić

PREDSJEDAVALA KOMISIJE

Enes Husejnović, s.r.